

10394

七之六

活

人

方

浙江中医药大学

图书馆



浙江大學圖書館藏



心胃痛門

或問心痛之因。可得聞乎。

答曰。心爲君王之官。神

明出焉。乃人一身之主宰。邪不得而傷。病則

真心痛者。曰發夕死。夕發曰死。今之所謂痛者。心包

絡病也。包絡係裏心之脂膜。猶帝城之有郭郭屬手

厥陰經。與手少陽二焦相火爲表裏。包絡爲心之相

代心行令。二焦爲腎之相代腎用事。蓋心腎之火。一

氣相通。所謂坎離交姤。則包絡二焦之相火亦出一

源。治分上下。此言心痛貫包絡受邪。干之而爲病。猶

之腎水不足者。必曰相火有餘之義也。心痛之脉



與形証。

包絡之痛。痛于兩乳之中。鳩尾之間。卽膈

中也。其痛之狀。如痞結不舒。又如嘈雜難過。少欲舒  
展。則碍而痛。否則無恙。此乃鬱鞠之氣。不伸。脉必沉  
而微急。亦有失血之後。瘀血留滯胸中。隱隱痞痛。綿  
綿不已者。其脉必沉而緩。滑亦有痰涎停伏。窒碍不  
通而痛。疰兼頭暈惡心。脉必沉滑不清。更有本經血  
滯氣鬱。久從火化。而虛痛難遣。痛雖不甚。而煩冤痞  
悶。悒悒不樂。止發無常。不碍飲食者。脉必沉弱而虛  
數。此症皆由勤讀深思。勞煩過慮所致。必兼虛汗盜  
汗。煩燥無寐等症。以上四端。皆俗所謂之心痛也。

心痛治法。氣逆膈中。久鬱不伸。以開鬱。調氣爲主。倘氣鬱化火。兼以清之。痰血爲痛者。以和血消痰爲主。兼之化氣。蓋血隨氣配。氣行則痰自消也。氣鬱化火。火鬱生痰。因痰而痛。必兼調氣清火者。治痰之本也。包絡本經病者。必先和血以清熱。調氣以開鬱。兼之滋益。以培不足。

心包絡膈中痞痛主方

川貝母

二錢

橘紅

五分

丹參

一錢

當歸

一錢

石菖蒲

一錢

益智仁

五分

遠志肉

五分

水煎半前後服

氣鬱必有痰。痰氣併結。未有不痛者。故君以貝母橘  
紅順氣清痰。佐菖蒲益智。開鬱止痛。當歸遠志丹參  
和血醒神。服寧志丸。或牛黃清心丸。如本經之氣  
結滯。以致血鬱爲痛者。加鬱金末一錢。以前藥泡服。  
如客血留滯臏中。加紅花延胡索各一錢。去丹參益  
智遠志。如痰涎壅盛。脈滑有力。加茯苓一錢五分。  
去丹參當歸。服導痰丸。或沉香滾痰丸。雖有積痰。脈  
來緩弱者。仍服牛黃清心丸。如鬱火盛。而口苦舌  
燥。脈絀而數者。加黃連五分。服清鬱丸。如勞煩思  
慮。心虛血少。加聚仁二錢。人參茯神各一錢。去貝母。

減橘紅五分。陽虛喜煖者。服寧志丸。陰虛惡燥者。服

安神丸。寧志丸。治陽虛陰氣不足。氣鬱為痛。神

衰志弱。面目黧黑。抑擗不舒。方見包絡膈中氣虛條牛黃清

心丸。治心虛不足。火侵包絡。怔忡煩躁。氣逆痰凝。

方見中風門中腑實症條導痰丸。治積痰結滯。致氣逆膈中

為痛。方見痰飲門沉香滾痰丸。治肺胃痰凝。大腸熱結。

火炎氣逆。膈中結滯而痛。方見中風門中腑實症條清鬱丸。

三焦氣鬱化火。火鬱為痛。方見鬱門血鬱條安神丸。方見火門

心與小腸虛火條或問痛在鳩尾之下。三腕之間。其致病

之因。與前症同乎。否乎。答曰。此為胃腕痛也。病者



之因有氣鬱火鬱痰凝停食受寒傷熱蛔厥瘀血胃  
虛九種之異胃爲水穀之海能受能容可行可導非  
比包絡膈中氣餒血弱難于攻逐者也胃痛之脉  
與形証氣鬱爲痛者六脉沉而帶絃沉爲營氣閉  
塞不通絃則濁氣滯而爲痛痛兼脹滿按之愈甚者  
肝脾之氣不和也久鬱之氣反兼火化其痛如刺痛  
則痞滿嘈雜止發不常不食少緩多食則痛甚至口  
乾喉燥吞酸吐酸二便不利脉多沉絃肝胆之氣鬱  
火盛也肝脾之脉弦滑不清此氣滯而津液凝結爲  
痰或素有痰飲隱伏阻塞氣道爲痛痛則嘔吐吐則

少緩者。痰病也。氣口脈滑有力。或沉弦滑數者。此由中氣不運。飲食停滯難消。或食後感寒。受氣卒然嘔惡。膨脹而痛。其痛連心胸腸胃。勢不可忍者。食也。一時寒淫感觸。不作表熱。直達于胃。與胃之水穀痰積。併結爲痛。外則畏寒。肢體痠疼。內則惡心。胸腹窘迫。其脈沉弦緊澇。或沉伏不起。寒之病也。體弱之人。血虛內熱。且素有鬱火。而胃腑復感暑邪。痛因火盛。熱傷元氣。嘈雜煩渴。頭眩目脹。脈必浮弦而數。或沉數不清者。熱之故也。素有濕熱之氣。積于腸胃。致生蛔蝨。非寒則熱。使蟲不安。卒然攻痛。痛則唇青手厥。欲



吐不吐。欲利不利。止發不定。痛不可忍。脉來乍大乍小。或沉或浮。平日面帶青黃。肌消肉削者。此蠱厥也。瘀血停滯中宮。氣弱不能行導。時常碍痛。至夜尤甚。眼白淡黃。皮膚黃黑。惟飲食無碍。而脉必濇數。或弦緊急。痰者。血鬱而內熱也。若中氣久虛。胃寒脾弱。失其健順。營運之常。以致濁氣凝寒。時爲痞痛。喜食辛溫熱飲。脉來沉遲緩弱。或沉弦無力者。本胃虛氣滯爲病也。胃痛治法。氣鬱者。疎肝健脾爲主。理其氣而痛自止也。火鬱則發之。木鬱則達之。疎肝正以達氣。清火兼能消痰。而火痛自愈。治痰必先順氣。氣

順則痰飲自清。痰清則痛亦自釋。停食者胃必寒。氣必滯。治當溫中理氣。佐其運導。而食易消。痛自止。寒邪客胃。非辛溫不散。痰食阻塞。非溫消不通。能散能通。何患其痛之不止。表熱以辛涼散之。內熱以苦寒清之。表裏兼清。使熱得以疎泄。而痛自愈。治蟲以酸寒安之。以辛苦逐之。安之暫緩其痛。逐之永拔其根。行血必通氣。消瘀必潤燥。辛以潤之。苦以行之。爲治瘀止痛之要。胃腑虛寒。理宜溫補。培火益氣。則脾能健運。胃能受任。凝寒散而濁氣消。又何痛之有哉。

胃腕痛王方

山查肉

二錢

半夏

一錢五分

枳實

一錢

延胡索

一錢

陳皮

一錢五分

白蔻仁

五分

木香

三分

生姜

一片

水煎不拘時服

蓋胃主司納。為水穀之海。無空虛之曰。痛則必由氣滯。而水穀因之亦停。所以痛時。必先戒食。飲食不斷。痛亦不止。故君以查肉。若不獨能消有形之食積。而于疎肝開鬱。和血健脾之功不少。痛由氣滯痰凝。故以陳皮半夏消痰。木香荳蔻開鬱順氣。枳實摧堅破積。不惟止痛。復能利痰消食。如氣鬱氣實者。加延胡索砂仁各五分。服沉香寶靈丸。火鬱者。加黃連。

山梔各一錢。去木香。薤白。服清鬱丸。或芩連橘半枳  
木丸。痰盛者。加枳實五分。桔梗一錢。去木香。薤白。  
服導痰丸。氣滯熱結者。沉香滾痰丸。脾弱者。橘半  
枳實丸。停食者。加麥芽二錢。神曲一錢五分。厚朴  
一錢。去木香。薤白。延胡。服保安丸。或香砂枳木丸。傷  
生冷。則服備急丸。或香砂萬安丸。受寒者。加淡豆  
豉。防風各一錢。蘇葉一錢五分。生姜二片。去木香。薤  
白。延胡。服蘇合丸。傷熱者。加乾葛二錢。黃連五分。  
去木香。薤白。山查。服正氣丸。蠲厥者。加五靈脂二  
錢。檳榔。苦楝根各一錢。延胡。川椒。黃連。烏梅各五分。

去木香服豈斃化蟲丸或妙應丸如瘀血停滯加

桃仁一錢五分紅花一錢肉桂五分去半夏豈斃服

抵當丸脾胃虛寒加白朮三錢人參一錢五分炮

薑肉桂各五分去山查枳實延胡服理中丸或參附

理中丸沉香保靈丸見積聚門清鬱丸見鬱門芩連

橘半枳朮丸見鬱門火鬱條導痰丸見痰飲門沉香滾痰丸

見中風門中橘半枳朮丸見痰飲門保和丸見內傷門

腑實症條香砂枳朮丸見內傷門食傷條脩急丸見內傷門

食物內傷條香砂萬安丸見泄瀉門蘇合丸見霍亂門正氣

生冷內傷條化蟲丸不拘男婦小兒素有蛔結胸中

丸見暑門



及寸白諸蟲喜食茶米泥炭等物。而黃肌瘦痛止不常久遠難愈者。以此治之。

大黃 二錢 檳榔 二錢 黑丑 二兩 錫灰 五錢

雷丸 五錢 木香 五錢 使君子 五錢 蕪荑 四錢

葱湯疊丸芥子大。或二錢。或一錢。量虛實加減。小兒或一錢。或五分。以大小酌用。擇天氣晴朗早粥時分。不可進食。殊覺飢餓。卽以砂糖湯吞服。忌肉三日。

妙應丸

見積聚門  
癥瘕條

抵當丸

見癥脹門  
血癥條

理中丸

見中寒門 參

附理中丸

見中寒門

浙江四書卷之六



腹痛門

或問前言心胃之痛有別。致痛之因亦異。今腹與大小腸之痛。寧無說乎。答曰。痛則總屬氣之所使。氣在有形無形之間。曰寒。曰火。曰暑。曰濕。曰霍亂。若有形者。或食積。或燥糞。或瘀血。或月信阻。大凡腹痛。只在臍之上下左右。自下而上。連胃腕者。爲逆上。自上而下。至小腹。及肛門者。爲滯下。或痛連衝任之脈。或痛連胞門子戶。總之按之痛甚者。爲實。按之痛即止者。爲虛也。腹痛之脈與形証。兩關沉弦。或沉遲。甚至沉伏不起。綿綿而痛。惡心畏寒。喜飲熱者。寒氣沉

于至陰之分也。兩關弦滑。或弦數。乍痛乍止者。火

也。脉弦滑而急數。裏急後重。痛至小腸肛門者。暑

濕蘊積滯下爲痢也。兩關沉弦。或浮緊。暑鬱於內。

寒遏於外。寒暑交攻。上逆則胃疼而嘔吐。下滯則腹

痛而欲瀉。甚至頭疼惡寒。身熱煩渴者。霍亂也。若

氣口弦滑有力。惡心而痛止不常。或得食而痛尤甚。

痛則欲泄。泄則痛止者。食積也。兩關尺沉弦。或弦

急。腹必鞭滿。後必失氣。按之纍纍有形。此燥糞內結

也。關尺沉弦。瀉數。或弦緊。痛之不止。至夜尤甚。痛

處不移其部。手不可按。曰黃內熱者。瘀血也。痛連腰

愈衝任胞門子尸。厥夜弦緊或弦瀉者。月信阻也。

痛而惡心欲嘔。嘔去痰涎而痛止。六脈沉滑。或弦滑者。痰飲也。腹痛治法。寒者溫之。散寒順氣。先用

蘇合丸。一二丸。薑湯化服。外以炒鹽熨。瘴氣暑

毒。吞痧。暴痛難忍。煩渴不省人事。最忌熱飲。瘴用玉

樞丹。冷水磨飲。一錠。暑用香如飲。冷水頓溫服。痧則

外用打痧出血。內用花椒涼水。或生熟礬各半。調新

汲水服。俟痛定。方用前藥。滯下者。初起以香連導

滯丸。利之久。則香連丸清之。宿食停積。新消導。新

宜通利。因寒用脩急丸。因熱用潤字丸。燥糞不通。

實火潤下丸行之處。以辛苦之劑潤之。瘀血宜  
用辛苦之劑。清熱潤燥。順氣行瘀。繼以抵當丸推之。  
月信阻。有虛有實。有寒有熱。先以煎劑調氣和血。量  
虛實以補瀉。繼則調經養營丸治其虛寒。清鬱丸治  
其實熱。痰飲亦有寒熱之別。寒以六君子湯兼參  
附理中丸。熱用溫膽湯。及芩連橘半枳朮丸調理。  
通治腹痛三方

山查肉 三錢  
陳皮 一錢五分  
半夏 一錢五分  
蒼朮 一錢

厚朴 一錢  
砂仁 五分  
木香 三分  
生姜 一片

水煎 午前服

前方乃溫散導氣之劑。氣能運行則諸邪自退。何有于痛。寒在表加蘇葉一錢五分。姜活一錢。寒在裏加乾薑一錢。肉桂五分。服參附理中丸。瘴霧之毒去山查之酸收。加蘇葉一錢五分。乾葛二錢。防風藿香各一錢。甘草二分。暑熱去山查砂仁木香。加乾葛一錢。香茹二錢。烏豆二錢。黃連茯苓各一錢。甘草二分。痧痛既止。可以勿藥。倘脾胃元氣不和。于一週時後。將前方去山查之酸。砂仁木香之燥。加乾葛一錢。蘇葉茯苓各一錢。藿香五分。甘草三分。虛者再加炒白朮一錢五分。濕熱之痢。去厚朴。加神糶。



一錢黃連五分車前一錢茯苓一錢防風五分生薑

二片宿宿食停滯加枳實一錢枳實一錢枳實五分大便燥

結實則潤下丸通之虛弱加杏仁泥三錢松子泥五

錢枳殼一錢五分去其呆厚朴砂仁木香逐瘀加

蘇木二錢桃仁一錢五分紅花歸尾各一錢去蒼朮

厚朴半夏木香通經加延胡索二錢歸尾紅花枳

殼俱各一錢肉桂五分去蒼朮厚朴半夏木香痰

飲去山查厚朴木香加白朮一錢五分茯苓枳實各

一錢甘草二分生薑二片火鬱者更加黃芩一錢

黃連五分減蒼朮五分蘇合丸見霍亂門玉樞丹見

門 香連導滯丸 見痢門三陽自痢條

香連丸 見痢門三陽三陰條

備急丸 見內傷門生冷內傷條

潤下丸 見中風門中腑實症條

抵當

丸 見臟脹門血虧條

調經養營丸

經云女子二七而天

癸至任脈通。太衝脈盛。月事以時下。故能有子。若先

天稟氣不足。則天癸之真陰不浹。或後天營氣不及。

則衝任之血脈不和。遂至月經愆期。參差不準。蓋氣

虛者。其來遲。血虛內熱者。其來數。臨時多寡不一。顏

色黃紫不正。血欲行而氣滯者。則未及期而腰腹先

為窘痛。氣欲行而血澁者。則及至期而肢體不勝煩

倦。亦有氣血兩虛。帶脈不引。既行而腹內空陷為痛。



甚至心腎不交。天癸不應。則孕育艱難。赤白淋帶。兼  
之七情鬱結。五心煩熱。飲食減少。面黃肌瘦。頭目眩  
暈。腰膝酸痛。三腕<sup>痞</sup>否結。四肢乏力。血癥癥癥。隱痛不  
一。此藥能補能消。不寒不熱。允稱女料妙劑。

熟地 六兩 製香附 八兩 當歸 四兩 白芍 四兩

蘄艾 四兩 川芎 三兩 白朮 三兩 茯苓 三兩

延胡索 二兩 陳皮 二兩 木香 一兩 砂仁 一兩  
五錢 五錢

蜜丸 早空心白滾湯吞服 四五錢

清鬱丸 見鬱門

六君子湯 脾虛胃寒 飲食少思 卽

食而難于剋化 作酸倒飽 化爲痰飲 惡心嘔吐 肚腹

脹痛泄瀉不常者宜之。

人參一錢 白朮二錢 茯苓一錢五分 陳皮八分

半夏一錢 炙甘草二分 炮薑五分

水煎草空心服

參附理中丸 脾胃虛寒不拘外感內傷腹痛吐瀉

肢體厥冷者宜服。見中寒時寒中久陰條 溫膽湯 痰氣火

併結于中宮。在上則眩暈乾嘔作酸。下則腹痛便燥。

諸症。

半夏二錢 橘紅一錢五分 枳實一錢 黃連一錢

天麻二錢 蘇子一錢五分 厚朴一錢 黃芩一錢

竹茹

一錢

生薑汁

五匙  
泡用

水煎泡姜汁午前後服

芩連橘半枳朮丸

見鬱門  
火鬱條

脇痛門

或問脇痛乃何氣使然。有卽愈者。有難愈者。甚有死者。可得聞乎。答曰。脇乃足少陽膽經所絡之地。蓋少陽之脈。從頭過右耳後。下肩內腋。循脇直至足小指之端而止。左統于肝。右屬于脾。上與腑近。下與腎連。兩脇雖俱屬膽。然亦有內外左右上下之別。痛連腰背。心胸兩肋之異。其痛之因。蓋因營氣滯而閉塞不通。則經絡墜道之營血亦不行而成痛。或鬱怒傷肝。則肝胆之營氣不得升發。而經絡血脈爲之阻塞。氣滯血鬱。火化于中。而痰涎積飲。亦得乘之爲痛。或

負重致遠。悶胸膈氣。以致勞傷。而瘀血凝滯。爲痛。此則有餘之症也。若憂思鬱結。疾走恐懼。辛苦勞力。及房勞過度。傷精損脈。氣餒血弱者。內傷不足之症也。或問脇痛。甚有死者。死于病耶。死于醫耶。答曰。初痛。安有死理。只因世俗。認脇痛爲肝病。而又誤爲肝無補法。無病之新久虛實。屬氣屬血。概用青皮枳殼。檳榔。白芥。蓬朮。姜黃。大黃。山梔。胆草。諸苦寒辛燥之藥。非剋伐元氣。耗散精血。卽損傷脾胃。由輕而重。由重而死者。皆因伐肝一語誤之也。脇痛之脈與形証。痛連胸坎乳房。氣悶不得肝降。口苦目赤。兩脈



弦數有力。或沉弦而數者。肝胆實火也。痛連肩背及腰脊骨節。而脈來沉滑。或弦滑而數。舉按搏急有力者。勞傷瘀血也。痛連包絡。虛煩無寐。脈來虛弦。濇數者。謀慮不遂。憂鬱內傷也。痛連兩腎。形羸神弱。脈必芤。數弦細無力者。房勞也。脇痛治法。木鬱宜達。

火鬱宜發。血鬱宜通。故有餘者。治以疎通宣導之藥。肝胆氣弱。則本不能透發。而失其生長之機。血虛則心虛胆怯。虛煩無寐。恍惚無主。悒悒不樂。治以清升滋補之劑。新起先宜治病。以順氣爲主。和血佐之。病久須補。兼以調氣和血爲主。治病佐之。

脇痛通治三方

白蒺藜

二錢

陳皮

一錢五分

半夏

一錢五分

柴胡

一錢

木賊草

一錢

當歸

五分

川芎

五分

生薑

一片

水煎早晚空心服

木性喜疎洩而逐其生發之氣故主蒺藜疎肝佐柴  
胡木賊使氣疎洩而得以透達氣滯則痰凝陳皮半  
夏利氣以運痰血枯液燥則風熱行於脈絡佐芎歸  
以滋陰和血清熱省風氣有餘而脈弦或沉弦有力  
者加水香五分氣虛脈微而沉弱者加人參七分  
去木賊瘀瘀血痛而脈芤瀉有力加延胡桃仁各一



錢五分。紅花一錢。當歸川芎丹皮各五分。去疾藜半  
夏木賊服和傷粘痛丹。脈弱者溫經活絡丹。外有

寒邪。內有寒痰。經絡爲之不通。而脈弱滑。或沉滑而

緊者。加前胡一錢五分。蘇葉姜活各一錢。川芎五分。

生薑二片。去疾藜當歸木賊。內受寒。無諸表症。而

喜熱飲。脈沉微無力者。加水香桂枝獨活各五分。去

疾藜當歸木賊。鬱火積熱。脈多弦數者。加吳茱萸

製黃連五分。薑汁炒山梔一錢。柴胡丹皮各五分。去

木賊當歸。服當歸龍薈丸。脈弦數無力。小便不實。小

便淋秘者。服左金丸。停痰積飲。右脈弦滑。或沉滑

有力者加半夏五分。枳實白芥子各一錢。去芎歸服。

控涎丹 痛連胃腕飽悶。噯隔作酸。右脉沉滑。或弦

滑有力。則加麥芽二錢。枳實神糶各一錢五分。前胡

一錢。去芎歸。服化積保和丸。房勞內傷。痛連兩腎。

關尺脉虛。眩乳瀉。則加芎歸各五分。人參牛膝各一

錢。去蕤藜。半夏木賊。服集靈膏。滋燥丸。後和傷

拈痛丹 見內傷門跌打外傷條 溫經活絡丹 同前 當歸龍

薈丸 見火門肝胆實火條 左金丸 男婦肝氣久鬱化火。又

兼寒邪外襲。併結為痛。及濕熱不和。腹痛下痢。胃中

積火生痰。嘔吐吞酸諸病。

黃連 六兩  
吳茱萸 一兩

粥糊飲爲丸。食遠。淡薑湯吞服。一錢五分。

控涎丹

男婦素有停痰積飲。隱伏于兩脇之下。腰

腎腸胃之間。遠年則隨氣走注爲痛。屈伸不得。而精神元氣猶旺者。以此滌除痰癖伏飲。

黑丑

二兩生熟各半

枳實

一兩 橘紅 一兩

白芥子 一兩

朴硝 一錢

生礬

二錢 熟礬 二錢

牙皂

一錢五分

白蘿蔔汁爲丸。薤子大。空心薑湯吞服。一

錢。每服止可二分。

此方與他處不同

化積保和丸

見積聚門

集靈膏

見咳嗽門 肺痿條

滋燥丸

房勞內傷。腎水枯涸。肝木無所稟受。木燥火炎。本經無血可藏。精血既虧。則三焦之火。乘虛攻刺于所經所絡之地。為痛。痛連腰腎。心胸不能轉側。晝輕夜重。躁熱增寒。飲食減少。形容衰憊者。宜于常服。

熟地 五兩

枸杞 三兩

牛膝 三兩

茯苓 二兩  
五錢

當歸 二兩  
五錢

黃芪 二兩

麥冬 二兩

白芍 二兩

人參 一兩  
五錢

知母 一兩  
五錢

黃柏 一兩  
五錢

牡丹皮 一兩  
五錢

五味子 一兩

黃連 一兩

茱萸製

甘草 一兩

蜜丸 早空心淡鹹湯吞服 四五錢

腰痛門

胸

或問腰乃腎之外府。所稱腰痛者。其在腎乎。其在腰乎。答曰。腎爲作強之官。作強者。有堅強不屈之義。故腰爲腎之外府。俛仰不能。屈伸有碍。腎虛志弱。不能作強之故也。然痛有虛實之分。虛者。腎之精神氣血虧損。而自病。實者。亦非腎家自實。乃兩腰之經絡血脈中。或爲風寒濕熱。外氣所侵。或因勞傷。閃肭挫氣所碍。更有腰窩空隙之處。濕痰瘀血。留阻不通。而痛。此病之實也。若腰腎氣血自實。則何病之有哉。兩腎本體。自虛之脈。與形証。背駝腰曲。酸疼無力。



行立艱難。其脉微弱而澹。此老年精氣不足。髓枯骨  
 痿之症。或久病之體。或病後虛人。或房勞多慾。症  
 必腰膝無力。悠悠隱隱。酸軟而痛。嗜卧懶坐。步力不  
 勝。腰中喜煖。脉必澹弱無神。或空大搏指。腎虛治  
 法。老年虛弱。專于填補。若病後房勞。更宜溫補。而  
 虛熱盛者。尚宜滋養。腎虛亦分寒熱二症。脉如  
 沉細無力。小便清利。宜補其陽。脉大無力。虛火時炎。  
 膀胱虛熱。便短而數者。宜補其陰。

腎虛主方

杜仲 三錢  
 當歸 二錢  
 人參 一錢  
 黃芪 五分  
錢 錢 錢 錢 錢

白朮一錢 牛膝一錢 川芎五分

水煎空心午前服

腎氣虛以參芪朮益之。血脈虛以芎歸補之。精虧力弱以杜仲牛膝壯之。經絡不通而痛甚者加姜活

一錢獨活五分以引導之。

氣虛氣滯閉而不通者

加補骨脂獨活各五分。木香三分。去芪朮。

血枯脈

閉者加熟地二錢。枸杞一錢五分。川芎五分。去白朮。

腎氣虛寒腰窩作冷喜得暖熨者加肉桂獨活各五

分。已上元氣虛寒者服青娥不老丸。精血虧者滋陰

百補丸。如腎陰不足虛熱甚者加知母一錢。車前

黃栢丹皮各五分。去其木。服滋燥丸。或濟陰丸。婦女服調經濟陰丸。青娥不老丸。男婦氣血兩虧。精力衰疲。轉側屈伸不利。坐立行步艱難。此藥有溫腎填精。活血潤燥之功。早晚白滾湯。或淡鹽酒吞下四五錢。

杜仲 八兩 補骨脂 八兩 胡桃仁 八兩 牛膝 八兩

寔丸照前服

滋陰石補丸 見內傷門勞 滋燥丸 見脇痛門 濟陰丸

見血門 吐血條 調經濟陰丸 見發熱門 兩腰實痛之脉

與形証 腰膝無力。綿綿作痛。畏寒就熱。肢體酸疼。

似乎虛寒。而脉徇浮弦。或弦緊者。風寒外襲也。乍痛乍止。心煩躁熱。頭昏口渴。小便熱澀。其脉浮數無力者。暑熱所侵也。腰窩重着。屈伸不利。隱隱而痛。天寒陰濕轉甚。脉來濡軟而微滑者。濕邪所感。及濕痰留碍也。俯仰轉側不利。談笑呼吸牽痛。其脉沉絃。或沉緩者。閃胸脛氣所使也。死血瘀積。日夜爲痛。手不可按。按之愈甚。目黃溺赤。微寒乍熱。脉多扎澀而數。或沉弦而數者。跌打損傷之故也。兩腰實痛。治法。寒以溫散。暑用分清。濕以升陽除濕。痰以燥濕行痰。挫氣必於順氣活絡。外傷定先消瘀活血。

兩腰實痛王方

當歸 一錢

姜活 一錢

澤瀉 一錢

川芎 一錢

延胡 一錢

獨活 五分

蒼朮 五分

獨活 五分

蒼朮 五分

肉桂 三分

延胡 一錢

獨活 五分

蒼朮 五分

肉桂 三分

水煎空心午後服

凡痛必由氣滯而血凝。血凝則絡閉。絡閉則經脈不通而痛。右方當于順氣活血爲通經止痛之要藥。

外感風寒則加防風一錢五分。去澤瀉。內服祛風越

痺酒。外熨雷火針。暑熱所侵加乾葛一錢五分。香

薷一錢。黃連五分。去延胡肉桂。濕痰凝著加半夏

三錢。苡仁一錢。陳皮一錢五分。去延胡當歸。內服導



痰丸外用摩腰紫金丹或萬靈膏或蠲痛膏 閃腰

挫氣加枳壳一錢木香五分服溫經活絡丹 瘀血

積滯加紅花桃仁一錢五分肉桂三分去澤瀉姜活

服和傷粘痛丹或溫經活絡丹 祛風越痺酒見中風門

中經 雷火針見中寒門 摩腰紫金丹 風寒濕三氣

而兼痰飲留滯于經絡血脉之中閉塞不通而痛以

此塗于患處外加萬靈膏貼之

附子尖二錢五分 烏頭尖二錢五分 南星二錢五分 雄黃一錢五分

樟櫨一錢五分 丁香一錢五分 吳茱萸一錢 肉桂一錢

硃砂一錢 乾薑一錢 麝香二分

蜜熬葱汁和丸如鷄豆大每丸以姜汁化開敷患處上貼萬靈膏或蠲痛膏

萬靈膏

男婦風寒濕脾遍身經絡骨節酸疼跌打損傷閃胸脛氣心胸腰背攷刺為痛能補能行專理百病

姜活 防風 秦艽 蒼朮 獨活 白芷

草薺 官桂 天麻 川烏 草烏 乾薑

當歸 木瓜 川芎 牛膝 防已 葶藶

風藤 半夏 前胡 枸杞 南星 虎骨

白茄根 麻黃 蒼耳子 高良薑 晚蚕沙

葳靈仙 五加皮 玄胡索 川續斷 紅花

桃仁 蘇木 枳殼 丹皮 骨碎補 烏藥

開陽花 綿花子 二物倍用  
餘各等分

麻油熬炒東丹收起冷加細料香藥

五靈脂 鴉片 血竭 木香 乳香 沒藥

冰片 麝香 治癰加入 阿魏 雄黃

一 凡用先以生姜擦過貼後以炒熟艾或

炒麩皮熨之

蠲痛五汁膏 寒濕氣襲於經絡血脉之中為痛痛

于兩臂兩股腰背環跳之間以此膏烘熱貼上追出

濕氣水液自愈。

鳳仙梗汁

老薑汁

蒜汁

葱汁

韭汁

五汁各等分。熬至滴水成珠。用草蘇子油

同黃蠟收起聽用。

溫經活絡丹

見內傷門  
外傷條

和經拈痛丹

同前

疝氣門

或問氣以疝稱其義何居。答曰積土成山積氣成

疝。疝者山也。其氣日積月累。聚而不散而成疝。猶之積土成山。自小至大。由卑至高之義。但氣本無形。因虛而凝聚不散。隨其所聚之處爲痛。故五臟遂皆有疝。蓋卽五藏之元氣。失其溫養生發之性。營運轉輸之常。虛則滯。寒則凝。自無而有。自微而著。自閉塞以至於不通而痛矣。或問旣由無形之氣。積久成疝。爲痛。自應痛無已時。緣何亦有不痛之日。以爲散而不痛。則能散似無成疝之法。以爲不散。則疝從何歸。



可以。不痛。或有時止時發。甚至終身不愈者。亦由此氣時聚時散。之所致耶。抑此氣暫時隱伏耶。答曰。若氣能散能聚。何由成疝。惟其積而不散。遂成爲痛。爲硬之勢。但元氣之虛。有輕重不同。爲病亦有新久深淺之異。大約痛之緩急。亦存乎其人之氣血虛實。而五臟有病。有不病也。或問今之所謂疝者。必責之寒濕之氣。但寒本足。太陽膀胱寒水受病。濕乃足。太陰脾經濕土用事。緣何又言足厥陰肝家之病。既曰肝病。則當責之濕熱。復與寒濕無干矣。寧無說乎。答曰。五臟有疝。出于內經。何得獨繫之肝。况

寒濕一氣鬱久皆能化熱。大凡五行六氣傳變自有不同。學者當擴充其義焉。或問男子固有睪丸大小及小腸膀胱崑崙諸氣爲疝者矣。據云五臟皆疝。則婦人亦當病疝。疝將何法以驗之而愈之耶。答曰男婦一體。五臟俱名有疝。外腎雖無而少陰厥陰之絡脈畢俱治法必依五臟。男婦豈有別乎。但碍于俗不敢直言之耳。或問疝爲積氣所成。五臟概有。則前五積文中五臟已各有積氣爲病矣。何獨此積又以疝稱也哉。答曰聚而不散之爲積。積久而成高大之形爲疝。前後似是而實非。蓋前症由乎本經

之氣各因七情六鬱而成積。而此症不獨本經因虛  
自病。且有感觸傳變之不同。卽如肺與肝腎。無有不  
從內外感觸而發。虛實傳變而成者也。若正言疝。已  
具七種之名。已見醫統集繩指掌諸書。可以不贅。今  
以五臟之疝。詳列于左。以詔後學。五臟五疝之脉  
與形証。肺疝者。或爲風寒深入肺俞。冷飲寒氣直  
達肺竅。本經元氣數虧。復爲寒邪所襲。初由聚而不  
散。漸至積而成疝。蓋肺症有三。一曰肺痺。痺者閉也。  
閉而不通。似喘非喘。咽噎不利者。痺也。非疝也。二曰  
息賁。乃肺氣臏滿。不能下降。日久月深。胸中似有物

碍氣道不利。語言因之塞澁者。息賁也。非疝也。三曰  
肺疝。疝者較前一症不同。鼻息粗暴。呼吸短促。胸膈  
與雲門之間。梗塞爲痛者。疝也。其名有二。爲病亦不  
相遠。惟氣口脉弦急有力者。當以疝治。心疝者。心  
氣久鬱不舒。積而成疝。止氣日衰。結聚日盛。稍有感  
觸。窘迫而痛。如豁如裂。痛則四肢厥冷。汗出如浴。左  
寸關沉而弦急者。虛寒之痛也。弦濇而數。心煩嘈雜  
而痛者。陰虛內熱。而氣鬱復兼火化也。脾疝者。其  
濁氣自下逆上。連噎不寬。脹滿作痛。痛則嘔吐清水。  
或苦水痰涎之類。其脉兩關絀急者。爲實。沉滑者。爲

虛。肝疝者。陰囊赤腫。堅硬而痛。痛連兩胯。小腹之間。以厥陰之絡。絡于陰器也。右關尺弦急而數。兼有寒熱外症。此濕熱之氣。無由疎泄。傳爲囊癰也。若婦人。則有小腹脹痛。兩胯間大筋偏墜。及痛連腰胯者。甚有肝氣下陷。戶中陰挺突出爲痛者。濕熱下陷。傳爲陰戶。掀腫發癢。甚則生虫臊臭。凡此皆肝家積氣所化。猶男子之疝者也。其脉左關尺亦有沉弦而數。或弦急而數者。腎疝者。大多縱慾房勞之人。裏氣先虧。寒濕之氣。得以乘之。積久成疝。其痛自腰腎下連陰莖。小便兼之淋濁艱澀。其脉微而濇。或沉細而



濡軟。五疝治法。肺疝以辛散之。以苦順之。所為  
 分清也。心疝寒者。治以溫散之劑。熱者兼補兼清。脾  
 疝專于溫散。若濕熱甚者。必先化濕理痰。肝疝必須  
 升清利濁。分清濕熱之氣。腎疝當于溫補之中。佐以  
 分清之藥。後方通治五疝。可以對症加減。然更以古  
 人之七疝參酌為治。尤為詳盡無疑。

通治五疝王方

半夏 二錢 陳皮 二錢 延胡 一錢五分 川棟子 一錢

猪苓 一錢 蘇葉 一錢 生姜 三片

水煎空心午前服

蓋人身營衛二氣與二焦之氣出入升降晝夜循環無一息之停合于常度則何病之有苟失其常致血脉稽留經絡閉塞因而臟腑不和二焦不利變症無窮前方六味固為治疝平劑其中具有營運升降出入之用後復詳以對症加減之法 肺疝加桑皮杏仁各一錢五分枳殼一錢去延胡川棟如氣虛久病者加紫苑蘇子茯苓各一錢五分人參車前各一錢減半夏二錢去延胡川棟蘇葉猪苓實則定肺膏青金丹神秘丹沉香滾痰丸虛則瓊玉膏金匱腎氣丸相中順氣丸酌用 心疝加丹參一錢石菖蒲當歸

各一錢。益智仁五分。去蘇葉猪苓減半夏一錢。病久  
氣血虛弱。加當歸二錢。扶神一錢五分。人參一錢。遠  
志益智菖蒲各五分。去蘇葉猪苓川棟減半夏一錢。  
陳皮延胡各五分。服寧志丸。脾疝加山查肉二錢。  
蒼朮一錢。服香砂健脾丸。中氣久虛加白朮二錢。扶  
苓一錢五分。砂仁一錢。減延胡川棟陳皮各五分。服  
冲和資生丸。三因冲和丸。肝疝加山查肉一錢。柴  
胡一錢五分。青皮一錢。木香五分。吳茱萸二分。去蘇  
葉減半夏一錢五分。或病初得。或人壯實者。服沉香  
化氣丸。如病久氣血虛。或挾虛而發者。其脉空弦澹。

弱或虛豁無力。加當歸三錢。白朮二錢。人參茯苓各

一錢五分。柴胡一錢。減半夏二錢。陳皮一錢。延胡川

棟各五分。去猪苓蘇葉。服雙補分消丸。婦人治法相

同。惟陰挺陰癢。陰風諸症。凡氣實火盛。二便秘結者。

服當歸龍薈丸。清鬱丸。血虛氣滯。鬱火下陷。濕熱不

清者。服加減逍遙散。腎疝。加澤瀉一錢五分。茴香

川椒肉桂各五分。去蘇葉半夏。減陳皮一錢。服分消

丸。如房勞不足。腎家氣血兩虧者。加當歸二錢。人參

澤瀉各一錢五分。補骨脂肉桂各五分。附子二分。去

延胡半夏蘇葉猪苓。服益氣丸。沉香腎氣丸。或問

丹溪纂要一書爲世首推。獨云疝主肝病。與腎無涉。况肝無補法。故前人之治疝者。多用苦辛之味。以破氣散堅爲主。今子主以參朮歸苓治疝。已爲背謬。而又立腎疝一門。豈不與丹溪故爲矛盾耶。答曰。肝腎之有疝。不獨本于內經。卽今之患者。了然有二。蓋厥陰肝經之絡。循環乎陰器。上連小腹。左右之旁。以至乎脇下。系外腎。二子之根。故肝疝有子脹偏墜。痛連小腹之症。若腎者。開竅于前陰。絡脉于兩腰。其疝則痛自陰莖。上連腰腎者。是也。然而肝爲腎之子。子能令母虛。故肝病無有不補腎者。母能令子實。腎實。



則肝病無有不愈者。況世之患疝由腎虛而致者尤多。故治肝必兼顧腎。治腎必兼顧肝。又治疝之捷要不可不知也。余所以治肝疝之有餘者。原不出乎疎泄溫散。以肝家之客邪有餘。不得不由疎導而去之耳。若病久。肝家之正氣自虛。或有挾虛而發。其脈不甚沉急。甚至空豁無力。面青肢厥者。苟非參朮補益而兼用桂附溫補。豈能獲效。此症所謂補其母而子自實之義也。世俗苦執肝無補法之說。但逢疝症不分肝腎。不論虛實。過用剋伐。豈知肝虛復盜母氣以自益。而腎氣亦因之虧損。故有肝病未已。而腎家虛

寒之氣上衝心胃而危急者也。此正所謂子能令母  
虛也。昔仲景治寒疝腹中痛及脇痛裏急者用當歸  
生姜羊肉湯無不愈者。豈非補肝之驗。而王肯堂繆  
仲淳治疝氣上攻心腹窘迫者用八味地黃丸投之  
立應者。又非補腎之一証乎。甚有疝症大便不通者  
當利大便。如許叔微羅謙甫皆用芫花是已。小便不  
通者當利小便。如許叔微治宋荀甫以五苓散是已。  
若據纂要于腎經無涉。則五苓不當用。又言疝無下  
法。則芫花不當用。所列之藥及諸書所用七疝之方  
無非苦辛破氣寒熱雜收。既不能補肝腎之真陰。又

不能通利兩竅使邪有所洩而徒耗其氣于冥冥之中豈不悖哉昔有久疝不愈只于每日空心以淡飛鹽滾湯嗽口嚥下無遺不半年而愈永久不發蓋齒乃骨之餘夜卧口閉精氣聚于齒間而成垢以垢補腎正補之以屬也此又補腎之一徵也 定肺膏見

門肺經 風寒條 青金丹見喘門肺經寒痰條 瓊玉膏見血門略血條 金

匱腎氣丸見氣門腎與膀胱之氣條 和中益氣丸同 寧志丸

見氣門包絡中條 三因冲和丸見積聚門心脾之積條 香砂健脾

丸見氣門脾 冲和資生丸同 沉香化氣丸 雙

補分清丸 旺腎之氣兩虧以致沉寒不散濕熱不

清翠丸冷脹陰囊腫大者此丸久服兼補兼瀉

當歸 一兩 白朮 二兩 茯苓 二兩 橘核 二兩

山梔仁 一兩 香附子 二兩 川椒子 一兩 山查 一兩

陳皮 一兩 川練子 一兩

陳米炒熟為末醋湯打糊為丸早空心百

滾湯吞服一錢

當歸龍薈丸

見火門肝胆實火條

清鬱丸

見鬱門

逍遙散

肝脾血虛發熱或潮熱晡熱或自汗盜汗或頭痛目  
澁或怔忡不寧或頰赤口乾或月經不調肚腹作痛  
或小腹重墜水道澁痛或陰挺突出為痛或陰戶掀

腫發癢。陰臭。陰虱。或腫痛出膿。內熱作渴等症。

當歸 一錢  
白芍 一錢  
茯苓 一錢  
白朮 一錢

柴胡 一錢  
丹皮 五分  
山梔 五分  
炙甘草 五分

水煎午後臨睡服

逍遙者乃清揚消散之義。蓋肝脾血虛氣鬱。以致熱鬱于內。不得舒洩。甚至鬱陷于下焦。積久而成。前列諸症。今以是方為主。再行隨症加減。發熱則照前方。如脈虛數無力。則加人參一錢。生地一錢五分。當歸五分。減柴胡五分。汗多。乃包絡脾胃之火。脈實可加黃連五分。生地一錢五分。麥冬一錢。去柴胡。虛則



加人參一錢五分。熟地二錢。五味子二分。去柴胡頭  
痛。目澁。加當歸一錢。熟地二錢。川芎一錢。薄荷一錢。  
怔忡不寧。實則加生地一錢。麥冬一錢。黃連五分。虛  
則加棗仁一錢。生地一錢五分。人參麥冬各一錢。當  
歸五分。減柴胡五分。目赤口乾。實則加生地一錢  
五分。麥冬一錢。白芍五分。乾葛粉一錢。黃連五分。虛  
則加熟地二錢。麥冬一錢五分。人參一錢。五味子二  
分。當歸白芍各五分。減柴胡五分。月經不調。肚腹  
作痛。實則加山查三錢。延胡二錢。蘇梗一錢。當歸一  
錢。虛則加熟地二錢。當歸一錢。川芎一錢。白芍五分。

人參一錢五分。延胡一錢五分。減柴胡五分。去山梔。

小腹重墜。水道澁痛。實則加車前一錢。澤瀉一錢。猪

苓一錢。生地麥冬各一錢五分。黃連五分。虛則加熟

地一錢。歸芍各五分。人參黃芪各一錢。肉桂五分。升

麻二分。減柴胡五分。去丹皮山梔。陰挺突出。乃肝

經虛氣挾濕熱之氣下陷也。即前方加人參一錢。黃

芪一錢五分。白朮一錢。防風五分。升麻二分。歸芍茯

苓丹皮各五分。其餘掀腫。至作漏等症。皆濕熱有餘。

隨氣下陷之故。加防風一錢。單前杜仲各一錢。金銀

花二錢。黃連五分。歸芍茯苓白朮丹皮山梔各五分。

爍

後開丸藥四種對症兼服 固本養榮丸 見腹痛門

條。調經益氣丸 婦人元氣不足失其營運轉輸

之用則氣滯氣鬱而為胸肚腹為痛營血有虧失其

灌溉滋養之權則血虛血熱而月信愆期不準于是

百病叢生形神消瘦是方氣血兼補開鬱順氣滋陰

清熱。

生地 八兩 當歸 五兩 白芍 五兩 製香附 五兩

丹皮 五兩 茯苓 三兩 杜仲 三兩 桐杞子 三兩

白朮 三兩 牛膝 三兩 澤瀉 三兩 川芎 二兩

黃芪 二兩 延胡索 二兩 陳皮 二兩

活人方 卷六 血氣 三

蜜丸早空心白滾湯吞服三四五錢

調經濟陰丸

見發熱時鬱熱條

調經清鬱丸

同前

新法

脚氣門

或問足跗腫痛。明係濕熱。如何謂之脚氣。既以氣稱。亦不失爲濕熱。如何又有外感內因之別。乾濕寒熱之異。甚至衝心嘔逆。譫語神昏。以致于死也。答曰。

此一氣字。自與平常濕熱不同。蓋非一朝一夕所致。此症雖由濕氣微邪。然而沉伏於足三陰經既久。不能發洩。鬱蒸爲熱。瘀而紅腫。腫而後痛。且足三陰之脈。從足之內踝。而上至于大小腹。更由腹而上溢乎包絡咽喉之間。故腫痛必然牽引經絡。而鬱蒸之氣。又自下而上逆于心胸。遂至寒熱似瘧。惡心嘔逆。所



以有類傷寒之別名。况病發之初。未有不由外感內  
因。或暴怒房勞之觸發。於是內外兼症夾襍。倉卒難  
辨。初學臨症。茫然昧于用藥。倘使表裏虛實之不別。  
補瀉寒熱之罔投。未有不至于衝心危殆者也。或

問。雖曰脚氣。亦不過濕熱久鬱而成。有何利害。以至  
于死。若果可以致人于死。則其症更凶于傷寒。何以  
又謂之類傷寒耶。况曰類者。亦正與傷寒相近。故亦  
有七日而愈。七日而死。十四日而愈。十四日而死。據  
此。豈不可謂之脚氣傷寒乎。答曰。脚氣與傷寒。原  
屬二症。難以溷淆。只有寒熱嘔逆。及三陽三陰傳變。

深淺與傷寒相似。故曰類也。若論致死之因。凡風寒暑濕之邪。無有不由于經絡。而傳于六腑。以至五臟。自輕至重。自重至危者。每獨脚氣爲然。而必與傷寒並論哉。脚氣之脉與形証。此症濕熱爲本。客邪觸發爲標。發時。還從足跗紅腫微痛而起。腫甚則痛愈甚。而鬱蒸之氣亦漸由經絡入於足三陽之腑。故有寒熱交作。畏寒煩躁。惡心嘔逆。煩渴引飲。喘急譫語。惡食而復能食。二便秘結不通。其脉浮洪。弦數有力者。爲之乾脚氣。乃三陽經受病也。若二便通利。汗多不渴。惡心嘔逆。湯飲不受。肢厥戴陽。神昏譫語。六

脈沉伏細軟無力者。謂濕脚氣。二陰經受病也。脚

氣治法。乾脚氣初則疎散。中則和解。末則潤下。濕

脚氣初亦疎散。中亦和解。末則宜乎清補。

三陽脚氣主方

防風 三錢 乾葛 一錢五分 姜活 一錢五分 蒼朮 一錢

枳殼 一錢 木通 五分 檳榔 五分 生姜 二片

水煎早晚空心服

右方疎洩表裏之風寒暑濕兼利痰氣之要藥。初起

宜加蘇葉一錢。麻黃五分。去檳榔木通。使濕熱之邪

從汗解散也。服疎解和中丸。中則加半夏一錢五

分。橘紅大腹皮各一錢。去防風。檳榔。末若二便不

通。則加大黃二錢。黃連一錢。去防風。姜活。蒼朮。服潤

下丸。如煩渴發躁。或無汗。或有汗。而惡熱昏倦。脉

雖浮洪。弦數。而無力者。此暑邪所感也。加香茹一錢

五分。乾葛。黃連各一錢。木瓜一錢。防已五分。去防風

姜活。蒼朮。檳榔。服正氣丸。濕熱甚者。加半夏。陳皮

各一錢五分。澤瀉一錢。服橘半枳朮丸。

三陰脚氣王方

苡仁 二錢 茯苓皮 一錢 防風 一錢 姜活 一錢

澤瀉 一錢 防已 五分 大腹皮 五分 生姜 一片

水煎早晚空心服

邪在三陰。誤用重濁之藥。則傷元氣。前方輕清利導。

化濕清熱之平劑也。初起加乾葛二錢。去腹皮。中。

則加木瓜一錢五分。去芩活。未則加車前木瓜各

一錢。去芩活腹皮。血虛衝熱者。加木瓜一錢五分。

牛膝加錢。丹皮五分。去芩仁。芩活腹皮。服千里水。

真陰不足。命門之火不歸者。常服金匱腎氣丸。陽

虛者。加人參二錢。白朮一錢五分。附子肉桂各五分。

去茯苓腹皮。芩防防已。服和甲益氣丸。疎解和

中丸。見癰門太潤下丸。見中風門中正氣丸。見

陽之瘧條

風實症條

中

中



暑門中  
暍條

橘半枳朮丸

見痰飲門

千里水

見中暑門陽虛傷暑條

金匱腎氣丸

見氣門腎與膀胱之氣條

和中益氣丸

前同

奇  
六  
部  
氣  
三

卷六 册第

三

卷六

卷六

痛風門

或問痛風一症。係血虛耶。血熱耶。熱極生風耶。抑風邪客于經絡爲痛耶。其痿與痛痺同耶。異耶。其痛流走不定者。風耶。火耶。其痛多在經絡關節之間者。筋病耶。骨病耶。死血爲病耶。痛甚于夜而減于晝者。何也。輕則三日一移動。重則七日一移動者。何也。甚有痛久而傳爲痿痺者。又何也。答曰。痛者。氣滯血凝。經絡爲之阻塞而不通也。風者。善行而數變。乃流走不定之義也。蓋風寒濕三氣。客于經絡血脉之中。未經疎散。則鬱久生熱。熱極化火。而更兼風變。其性流

走  
凡不定。伏行于周身經絡血脈之間。是爲病原。自後  
或因營衛之氣血。偶有阻滯于經絡關節之處。則此  
風熱亦因之停阻。欲行不行。遂至浮腫而痛。屈伸亦  
爲之不利。或兩三日。或五七日。此處血氣已通。而別  
處復有稽留。則痛亦移換。至于衛氣晝則行于陽分  
之表。而營氣亦易運。故痛緩。夜則衛氣歸陰。營氣不  
行。其血脈凝澁而痛甚。故此症當責之肝家。血少血  
熱。木燥火炎。而虛風復從火化也。蓋肝藏血。肝主筋。  
凡關節皆經脈之總會。血虛既不能滋養筋脈。而風  
火反因之阻于脈絡。于是浮腫而熱。浮屬風。熱屬火。

腫爲氣血阻碍。每逢濕熱盛行則發。實非筋骨與死血爲痛也。若云筋骨死血其痛定在一處。焉能三日七日移換哉。此實肝經無形之風熱爲病。蓋風熱屬火。所以善走。若寒與濕則又當始終痛于一處矣。雖云風熱每得煖氣而痛緩者。則虛火之本固寒。其性喜煖。再則治病之法。用甚寒甚熱之藥。當以從治。從治不已。又當求其屬以衰之。從與屬者。正熱痺得煖而易散之義也。若痛久則飲食起居必廢。精神氣血亦必因病而虛。所以筋骨無力。關節不利。而成痿痺也。或問痛風形証與痺無異。如何不附于痺症之



末而又別立一門也。

答曰。痛痺本乎寒。痛風屬乎

風。血脉得煖則行。得寒則凝。寒留脉中。久成痛痺。况

痺者閉也。閉塞不通之義。所以始終痛在一處。非若

風之善行而數變者也。蓋風氣勝者。爲行痺。故痛風

者。卽痺門之行痺也。然其義相似。而實則不同者。乃

受病有深淺。相沿有新久而病之愈也。亦有難易。大

約風痛。每得之於暑濕盛行之時。氣血沸騰之際。或

衣汗衣。或卧濕地。或汗出迎風。或貪涼熟寢于漆器

竹蓆石牀之上。致濕熱之氣。得寒而凝。因濕而著。遇

風而閉。由是熱淫所勝。反兼風化。行于經絡血脉之

中移動不定。痛止不常。非若痺症之爲病深久而難愈也。痛風之脉與形証。形神如故。飲食如常。脉

來洪滑浮弦急數有力。痛甚者實也。形神萎弱。飲食減少。其脉虛弦滴數。或微弱無神。或虛搏空弦。酸疼無力。二便不調者虛也。痛風治法。治痛風當

分別新久虛實。及屬風屬火。或有濕熱。亦能流注經絡關節。爲痛新者。營衛之氣血未虧。當以治痛爲主。若病久而精神不足者。以清補兼之。濕熱勝者宜燥濕清熱。風火甚者宜滋燥養血。大補肝陰。蓋治風先治血。血行風自滅。若過用風藥。及寒燥之劑。反有耗

血遇火之患矣。

通治痛風主方

當歸 三錢

秦艽 二錢

防風 一錢

川芎 一錢

羌活 一錢

獨活 一錢

姜活 一錢

車前子 五分

黃芩 五分

枳殼 五分

水煎 午前午後臨睡服

治痛不外乎順氣。治風必先于涼血。氣順則血活。而脈絡通。血涼則火清。而風息。痛則不治而自治。如重感風寒。使內之濕火鬱而不散者。加姜活桂枝各五分。去黃芩。車前。服芎蘇散。如外復感暑濕者。加蒼朮一錢五分。白朮澤瀉黃柏各一錢。去川芎黃芩。

枳殼服勝濕丹。

血脉凝閉不通而痛甚者加紅花

一錢五分。桃仁一錢。桂枝五分。去黃芩。車前。服祛瘋

越痺酒及活絡丹。

病久血枯者加牛膝一錢五分。

製何首烏二錢。服活絡丹。或加味史國公藥酒。病

久氣虛者加白朮三錢。人參一錢五分。減當歸一錢

五分。去黃芩。枳殼。服祛風越痺酒。兼加味虎潛丸。

如勞倦內傷及房勞體虛之人。加人參三錢。知母一

錢五分。牛膝一錢。去姜。活黃芩。服滋陰百補丸。及滋

陰百補酒。或加味史國公藥酒。如寒濕風濕之痰。

其脉濡軟而微滑者。加白朮一錢五分。半夏二錢。陳

皮蒼朮各一錢去當歸黃芩車前服祛風越痺酒或

加味史國公藥酒及四妙散活絡丹葶藶丸 血虛

血熱風熱內盛者服涼血省風藥酒若大便秘結不

利者服搜風順氣丸 芫蘇散見胃風門 勝濕丹見濕門表

濕條 祛風越痺酒見中風門中經條 活絡丹見中風門中經條

加味史國公藥酒 此方專治肥人素有濕痰風痰

而氣虛不能導引以致淫溢流注于經絡關節之處

為疼痛為酸麻手足舉動不利行步痿躄難前口眼

喎斜涕唾縱橫言語蹇澁舌音不清筋骨拘攣難于

轉運此酒合四妙丹兼服大効



虎骨 烏梢蛇 白花蛇 晚蠶沙 白僵蠶

全蝎 清風藤 海風藤 油松節 白茄根

防風 漢防已 姜活 獨活 桂枝 麻黃

川萆薢 明天麻 天南星 製半夏 葶藶

仙 廣橘紅 枳殼 製何首烏 枸杞子

生地黃 熟地黃 川芎 當歸 牛膝 牡

丹皮 五加皮 杜仲 各等分 黃芪 白朮 二種

加倍 剉碎貯絹囊以滾酒衝入壺泥固外加厚

紙密封放窄處過黃梅後開用每酒一茶

杯調入桑枝膏五七匙不拘時溫服若早

晚空心。各吞四妙丹一服。餘時不必。

加味虎潛丸

即滋陰百補丸加虎骨二兩五分。姜

活獨活各一兩

方見內傷門勞  
煩內傷陰虛條

滋陰百補丸

方見內  
傷門勞

煩內  
傷條

滋陰百補藥酒

大補氣血調和營衛溫經

舒絡壯骨益髓。

熟地黃

三兩

生地黃

三兩

製首烏

三兩

沙苑蒺藜

三兩

鹿角膠

三兩

當歸

二兩

胡桃仁

二兩

桂圓肉

二兩

牛膝

二兩

肉蓯蓉

二兩

白芍藥

二兩

人參

二兩

白朮

二兩

歲蕤

二兩

龜板膠

二兩

白菊花

二兩

五加皮

二兩

黃芪

一兩

瑣陽

一兩

五錢

牡丹皮一兩 杜仲一兩 地骨皮一兩 知母一兩

黃栢一兩 肉桂一兩

剉碎囊貯。以滾酒衝入大壺。泥固。外加厚

紙密封。放窖地。過黃梅開用。早晚隨量熱

飲。

四妙散 治濕痰風痺筋骨拘攣氣虛體肥經絡酸

麻疼痛

川黃栢 茅山蒼朮先以米泔水潤透切片曬乾用 向東桑皮

三種各分爲二分以一分用童便以陳胆星

一分用酒各浸透曬乾炒微黃色 已上各等分爲細末每服二三錢早晚空

心卽以藥酒吞服

葶藶散

風寒濕三氣着而成痺以致血脉凝滯肢體麻木腰膝酸疼二便燥結無論痛風痛痺濕痰風熱宜于久服預防中風痿痺之病

葶藶草

不拘多寡去梗取葉晒乾陳酒拌透蒸過晒乾再搗再蒸如法九次晒燥爲細

未收貯聽用

蜜丸早空心溫酒吞服四五錢

涼血省風藥酒

血虛內熱熱極生風或外感厲氣

稽留經絡內則疼痛外生瘡癬氣實火旺飲食如常

二便秘結者常服

生地 二兩  
熟地 二兩  
歸身 二兩  
川芎 一兩  
五錢

杜仲 一兩  
五錢  
白蒺藜 一兩  
五錢  
姜活 一兩  
金銀花 一兩  
五錢

蘇葉 五錢  
荆芥 五錢  
防風 五錢  
白芷 五錢

蟬殼 五錢  
陳皮 五錢  
枳殼 五錢  
蛇殼 五錢

連翹 五錢  
川連 五錢  
黃芩 五錢  
黃柏 五錢

粉甘草 五錢  
白菊花 一兩  
白蘚皮 五錢  
製首烏 一兩

剉碎袋貯。滾酒衝入大壩。封固。密密泥地。

過徽用。空心隨量溫服。

桑枝膏  
滋腎益陰。祛風潤燥。肝虛血少。風熱內盛。

者宜之。



青桑皮

取朝東者尤妙不拘多寡剉碎曬一周時用

河井水各半熬膏至滴水成珠不散畧用

熟白蜜收貼早晚空心調史國公酒內服

搜風順氣丸

見中風門中臟緩症條

斑疹門

或問斑疹因何而生。屬陰屬陽。屬虛屬實。屬表屬裏。可得聞其詳乎。答曰。斑疹之發。有外感風熱者。有胃腑實熱爲病者。有傷寒失下者。有傷寒陽明經症。矢汗發衄。不衄則發頤。不生頤則發斑疹者。總屬陽明胃與大腸之風熱亢盛已極。內不得疎泄。外不得透達。怫鬱于皮毛腠理之間。輕則爲疹。重則爲斑。一如火乘金位。金受火剋之故。此乃陽毒屬表屬實之斑疹也。有陰虛血熱者。有陽虛血熱者。有氣血兩虛而虛熱鬱盛者。此三焦無根之火。乘其氣血之虛。而

空發于上。怫鬱于皮毛。血脉之中。內不得清。外不得散。遂發斑疹。乃陰虛屬裏之症也。或問何以爲斑。

何以爲疹。陰陽既別。何者爲重。何者爲輕。答曰。斑

者。成片不分顆粒。一如雲朵拱起。淡紅者輕。紫紅者

重。黑者凶。輕者痒而重者痛。疹者如痲痞。或類蚊跡

蚤虱痕。而不盛。一日之中。起伏隱現不常。隱隱見于

肌膚之間。不大起發者。是。大約陽症斑疹。易看而易

治。陰症斑疹。挾虛而發。難看而難治。苟不細審。則陰

症誤以爲陽。立至危殆。可不慎歟。斑疹之脉。與形

証。身熱無汗。煩渴躁悶。或痛。或痒。如雲若錦。腹痛

胸滿。二便秘結。六脉浮洪有力。或浮數有力者。係手陽明大腸足陽明胃。二經風熱爲病。所謂陽斑也。若內熱自汗。渴不欲飲。煩身躁。胃弱脾泄。喜濕惡熱。色白而不紅。但痒而不痛。六脉遲緩微弱。或虛數無力者。手太陰肺。足太陰脾。手少陰心。足少陰腎。經云。陰火內亢爲病。所謂陰斑也。疹形雖與斑異。而致病之因。受病之臟腑。及所現之脉與形証無不同。蓋斑有陰陽。則疹亦有陰陽。自在醫者。審其症之陰陽虛實。脉之無力有力可也。斑疹治法。兩陽合病。其火自盛。兼有食積。致生積熱。故斑疹之因。必歸過于

胃與大腸也。火盛則血熱而金燥。蓋心爲火臟。肺爲金臟。主皮毛。火聚胸中。肺受薰蒸。心火愈熾。或熱極反兼風化。或客風鼓動內火。其病發于心肺二經。所謂陽斑陽疹。必先清散風熱于表。疎導積熱于內。表裏和解。以救炎炎之勢。如一便秘結。急宜利之。若脾腎之陰虛火盛。不能歸經固藏。發越于上。而心肺受其薰灼而病。亦有因風致火。或因熱極生風而發。所謂陰斑陰疹。初則亦宜清解。使其透發。寬其胸膈。解其煩躁。次則察脈之大小虛實。脾胃之實與不實。大便之結與不結。或清補。或溫服。



通治陽症斑疹主方

生地 二錢

防風

一錢五分

荆芥

一錢五分

川黃連

五分

黃芩 一錢

桔梗

一錢

牡丹皮

五分

犀角屑

五分

甘草 二分

水煎不拘時服

血中伏火必先涼血和血故以生地爲君而丹皮佐之黃芩瀉心肺之火佐桔梗以開鬱結犀角清心家之熱毒而甘草佐之荆防用以解散內外之風邪外感重者加姜活一錢川芎薄荷各五分暫去荅連生地如陽明胃家熱毒煩渴躁熱無汗背寒斑疹

黑紫色者。速加石羔一兩。連翹一錢五分。立參一錢。

犀角五分。去防風。桔梗。傷寒邪熱入胃。舌胎黃黑。

有刺。二便不通。譫語狂熱者。加大黃五錢。芒硝二錢。

枳實一錢。去生地。防風。丹皮。傷寒陽明失表。煩渴。

外熱。半表半裏。大便不去。無下証者。加乾葛三錢。牛。

傍子二錢。立參一錢五分。薄荷一錢。去生地。丹皮。黃。

連犀角。防風。通聖散。內有濕熱。外有風邪。陽毒。

抑遏而成斑疹。以此表裏疎通。解散淫熱。見冒風門消。

風百解散。陽明風熱失表。頭疼身熱。煩渴痰嗽。斑。

疹隱現不透。胸腹脹悶不寬。以此表裏解散。見冒風門

涼膈散 肺胃火鬱。熱極生風。二便不通。斑疹陡發。

表裏清解。見火門心與小腸實火條 紫雪 傷寒熱邪傳裏。火

毒攻心。陡發斑疹。便結譫妄。即用此雪清解。見火門脾胃實

火條

通治陰症斑疹主方

白朮 二錢 茯苓 一錢 人參 一錢 炮薑 一錢

陳皮 五分 防風 五分 炙甘草 五分 肉桂 三分

水煎早晚空心服

右方乃治陽虛血熱。及氣熱血熱。凡惡寒喜熱。二便清利。口不乾。而反欲熱飲。六脈沉微細數。或虛數無

神者宜之。此氣不能統運血脉。致血久鬱生熱。而有風熱之變也。

熟地 三錢 茯苓 一錢 山藥 一錢 澤瀉 一錢

丹皮 七分 山茱萸 五分 附子 五分 肉桂 三分

水煎空心午後服

右方治腎水不足。龍火無制。陡發越于上。心肺受其薰逼。而成斑疹者。以此導火歸陰。兼服腎氣丸。

生地 三錢 製首烏 一錢 當歸 五分 秦艽 一錢

丹皮 一錢 甘草 二分 甘菊 一錢 乾葛 五分

薄荷 五分 荆芥 一錢

水煎午後臨睡服

右方治陰虛血熱。熱鬱血中。而生斑疹。時發時止。或  
痒或疼。久遠不愈者。以此涼血清熱。滋肝省風。服濟  
陰丸。雖陰陽俱有斑疹。而陽症發斑者多。且多發于  
熱病之末。陰症則發疹者多。且多發于病之始。蓋斑  
由積熱。發之稍緩。疹兼風火。發之尤速。發之速者。禍  
輕。發之緩者。其禍反深。則又天下事理。必然之勢也。  
至于時氣發疹。由風熱之邪。乘于肺經。必兼鼻塞。氣  
喘息粗。痰嗽餘熱不清。遺于陽明大腸。并其糟粕蘊  
積。而爲濕熱。更成積滯。自利。甚至熱鬱化火。火性急



迫隨氣滯下而後重不舒者宜用辛涼升散之劑清其邪熱使鬱陷之氣透達外解不惟斑疹自消而濕熱亦散矣若痰嗽不清加以清火消痰之藥積滯有餘濕熱下迫加以分清利濁健運化導之劑如木香黃連山查神糶車前澤瀉之類更用枳桔寬胸開鬱升提鬱陷之邪

腎氣丸

見氣門腎與膀胱之氣條

濟陰丸

見

門腎與膀胱之火條

癘風門

或問何爲癘風。何經受病。何故多死。而少生者。答曰。癘者厲也。卽陰陽乖戾之氣。俗稱大麻風者是也。此氣乃天地間陰霾濕熱。賊風不正之氣。若人肺家元氣先虧。則鼻竅易于觸受。而皮毛腠理。因之不密。倘然早起晏眠。宵行露宿。則毒氣先由鼻入。而陽明獨受其邪。蓋鼻爲肺之竅。而手足陽明經之絡。起于鼻之交額中。故人在氣交之中。而鼻爲肺與腸胃出納升降之門戶。一受風邪。則鼻塞粗息。打嚏流涕。眉稜酸痛。是其徵也。所以毒厲之氣。由鼻而直入陽明。

之絡先則眉癢而漸脫落兩顴紅潤浮腫而癢漸至  
兩臂皮粗毛落甚而通身肌膚淫淫作痒難忍其毒  
深入血脉之中則濕熱蘊積生虫侵蝕臟腑沿蛙肌  
肉久久精神枯涸諸虫聚食傳爲勞瘵而死 或問  
雖爲乘戾之氣潛伏脉絡之中若以清散疎解之藥  
治之自當速愈何至生虫沿蛙皮膚臟腑敗壞腐爛  
而死也 答曰經云大風苛毒虛邪賊風皆陰閉濕  
熱鬱蒸之氣所化其性本熱及至陽明又兩陽合明  
乃多氣多血之府由是氣溫血熱最易生虫虫多蔓  
延尤難緩治病者先失于不覺不知繼則誤于緩視

而毒深。再則不得其法。而無効。遂至于敗壞而死。非  
癘風卽可以殺人也。患者慎之。癘風之脈與治法。  
此症須在三月之內。速爲清散。可保無恙。其精神氣  
血未衰。六脈洪大而實。或洪數有力者。用後方汗吐  
下三法。分表裏攻逐之。使毒氣不得稽留而速化。繼  
復清熱解毒。涼血補血之劑。禁用辛燥之藥。及耗津  
精血液。而助酷烈之勢。但患者必須清心寡慾。遠色  
忌口。方爲有益。

初服發汗清散之劑

荆芥 二錢

防風 二錢

秦艽 一錢

五分

羌活 一錢

五分

洗

川芎

一錢

薄荷

一錢

淡豆豉

一錢

蔥白

頭一個

水煎空心午前服

前藥皆清揚升散之品。能去肌表之風熱。而無辛熱燥血之虞。服後。以後藥煎湯洗浴。兼服前劑。使表裏解散。汗透為度。七日後。繼以後方探吐。

涉浴方

荆芥

八兩

防風

兩

百部

六兩

苦參

四兩

陰乾浮萍

取紫背者四兩

濃煎熱湯。無風密室中薰洗。

中服探吐清利胃腑痰液之劑



防風 三錢  
淡豆豉 二錢  
廣陳皮 一錢  
牛蒡子 一錢

五桔梗 一錢  
皂角刺 五分

水煎半前後服

右藥崑利陽明胃腑風熱之痰。而兼能解毒。如不吐。以鵝毛探于喉間。必使其吐盡積痰。或膈中酸若稠涎亦可。吐後用稀爛陳米粥。早暮調之。忌用一切腥羶辛辣膩格發病之物。七日後精神復旺。再用後方。末用下劑蕩滌大腸蘊積之毒。

金銀花 二錢  
歸尾 二錢  
枳實 一錢  
桃仁 一錢

檳榔 一錢  
紅花 一錢  
木通 五分  
甘草 五分

水煎十分。乘熱泡酒浸大黃末五錢。以利  
爲度。不暢以陳皮湯催之。不止以陳米飲  
補之。

右藥辛潤苦寒之味。專除大腸積熱之毒。兼能殺虫。  
并去痰。

調補煎方

製首烏 二錢

生地 二

知母

一錢五分

車前

一錢

白菊花

一錢

丹皮

五分

薄荷

五分

水煎午前後服

蓋肺與大腸相表裏。吐利之後。臟腑血液枯燥。必然

氣逆血熱。前方清火滋燥。涼血順氣。亦治風活血之  
餘義也。

調補丸方 功效等于前方。取其便于常服。

製首烏 八兩  
百部 五兩  
生地 五兩  
秦艽 三兩

當歸 三兩  
車前子 二兩  
丹皮 二兩  
白菊花 二兩

蜜丸早晚空心白滾湯吞服五錢

膏方 清氣清痰。生津潤燥。乃調補肺與大腸之要

劑 天冬 肉 八兩  
生地 六兩  
麥冬 肉 四兩  
川貝母粉 四兩

牛膝 三兩  
白菊花 二兩  
知母 二兩

水熬成膏。以滴水不散為度。冷一周時調

入貝母粉。收瓶伏土。七日後。臨睡時溫酒

調服五錢。

祛風殺虫淨洗肥皂方

百部

新鮮者洗淨曬乾蒸爛十兩

紫背浮萍

陰乾溫火焙燥為末四兩

淨皮硝

一二兩

鮮肥皂

四兩

共搗爛至極細。丸如青梅大。早晚洗浴淨臉。用以遍擦。

腸風門

或問風邪何由入于大腸。毒氣何因聚于臟腑。此風與毒有所分別否。答曰。此風非外感風寒之風。此毒非癰疽膿血之毒。總當以氣字看。而腸風亦如春傷于風之義。本足陽明清氣不能升發透達于四肢腠理之間。而反下陷于大腸。大腸之血脉亦隨此氣而虛陷。陷久則氣血鬱結。而化爲濕熱。因此血隨氣滯。凡登圍氣陷。火迫之時。其血先糞而至。至則清散不多。初起爲之腸風。蓋因方中多用荊芥。防風。升麻。諸風藥。升舉清陽之氣。遂疑爲外感之風也。即使是



風亦血熱所化之風。豈外風能入于大腸也哉。至于  
臟毒者。因腸風日久。氣血兩虛。虛陷之氣日甚。而大  
腸之濕熱蘊積日深。手陽明大腸爲積血之處。其勢  
必隨氣下陷。從糞之前後而來。來雖不痛。而其色多  
黑黯成塊。故有毒之名。彌實無疔漏腸癰膿血疼痛  
之毒也。若其病久遠。氣血愈虧。則脾胃之元氣。諒必  
先虧。不能統運周身血脉。使之流行無碍。亦隨陷于  
大腸而成結陰便血之症。在下清氣不舉。便血而兼  
滲泄之病。在上濁氣凝結。中滿而兼喘嗽之恙。甚至  
肢體浮腫。胸腹脹悶而死。是症應分爲二。輕曰腸風。

甚見至臟毒重則結陰也。腸風之脈與治法。初起

之脈或沉數有力。或弦數不清。久則芤數無力。或沉  
瀉而弱。或結陰脾虛之脈。非芤瀉則虛。初則宜于  
升陽清熱。次則清補相兼。和血解毒。結則當升清利  
濁。兼于溫補。其具血門便血條。參治可也。

通治腸風王方

防風 二錢 生黃芪 一錢五分 山藥 一錢五分 茜根 一錢

槐米 一錢 秦艽 一錢 黃連 五分 甘草 二分

水煎空心午後服

防風佐黃芪。達清升之氣。以透表。山藥甘草。和申益

脾使血無虛滲之虞。秦芫茜根。清風熱以和血。黃連。槐米。消蘊積之熱毒。初起加炒黑荆芥黃芩各一

錢。去黃芪之驟補。日久加黑荆芥一錢。烏梅肉升

麻各五分。再久則加生地三錢。白芍二錢。升麻五

分。巴上氣血未虧。火盛便燥。可服剪紅丸。或犀角

地榆丸。如臟毒加生地三錢。茜根升麻陳皮各五

分。減防風一半。去槐米。日久氣血兩虛。加人參白

芍各一錢五分。當歸頭一錢。升麻陳皮各五分。減防

風二錢。去槐米。秦芫。服犀角解毒丸。如結陰便血

浮腫氣喘者。加茯苓二錢。人參桑皮各一錢五分。炮

當有犀角一  
味

姜車前各一錢。陳皮五分。減防風二錢。去槐米秦芫

黃連甘草兼服結陰丸。

剪紅丸

見血門  
便血條

犀角地榆丸

黃芩

黃連

地榆

枳殼

槐米

當歸

防風

各等分

生地黃

烏梅肉

木耳

各加倍

蜜丸早空心滾湯吞服三錢

結陰丸

見血門  
便血條

犀角解毒丸

犀角

升麻

姜活

防風

甘草

荆芥

牛傍子

連翹

土枸杞

各等分

金銀花

當歸

身

生地黃

白芍藥

各加倍

蜜丸早空心滾湯吞服三錢

此論甚是但  
不傳其方未  
免缺憾

近世患痔者多。而痔中出血者亦不少。多有誤認腸風臟毒。而用寒劑者。不止。復用升提者。再不應。而亦用溫補者。總與痔血無干。而補瀉盡屬妄投。及余細審脈証。方知此血實從痔瘡中出。痔愈則血不治而自止。于是病者亦從此大悟。而求治于專門者。不用刀針掛線。使其墩伏在地。如登圍法。掙出所患。以藥水洗淨。敷藥于上。不使縮進。橫卧床席。七日後洗去宿藥。仍前再敷。如此三四度。而所患枯癢如菱壳。自脫肛門全愈。而血從此止。醫者亦當細心體察。故復



贅于篇末以詔後學云。

恩

大

家

諸

子

行

新

卷之六 册尾

三

學

學

浙江

# 脫肛門

或問方書云。脫肛有氣虛者。有血虛者。有血熱。或火盛者。人患此四者甚多。何遂至于脫肛也。答曰。肛門乃大腸之盡處。凡有形之糟粕。從此而出。爲人身之門戶。虛滑則滯下不收。枯燥則堅澁而難于轉出。皆足以致病。而必責之于氣。蓋凡有形之物。全賴無形之元氣。以轉運出人。且肺與大腸爲表裏。而肺正統一身之元氣。故人之登圓。亦由元氣爲之傳導。使大腸有形之糟粕。得以傳導而出。出已則清升之氣。復自下而上。達于臟腑。腠理四肢。是爲常度。若

脾肺久虛。氣血虧損。則統運轉輸之機不利。全藉勉力怒送而出。久久氣滯。則肛門因之脫下矣。其次有病久氣虛。氣陷而自脫者。亦有氣虛不能傳導。而血隨因之枯澁。于是怒力掙脫者。有陽明燥火亢極。而熱結便燥難出。因用力強掙。火性下迫。肛門脫出者。有老年血燥。或虛後血虛。液燥結滯難下。氣弱無力以送。勉強掙脫者。有久瀉。或久痢。氣血兩虛。濕熱下陷于大腸。因而滑脫者。有小兒亦因瀉痢。氣虛濕火下迫而脫者。總由氣血不和。失其轉輸傳導出入升降之常度。則有是症。自在醫者。忝其脈証。體其虛實。

以治之。脫肛之脉與治法。久病虛陷自脫者脉

必虛微無力。以補氣升提爲主。氣虛血竭。努力掙脫者。脉必瀋弱而虛數。當以益氣之中。兼補血潤燥升清之劑。大腸實火燥結。肛門腫痛而下迫者。其脉洪大而數。或沉實有力。以清火解毒之中。佐以升提。老年產後。總由氣虛血少。脉必瀋數無力。當以滋補升提。久瀉久痢。無論大小。脉必虛微沉弱。雖主補益升提。倘餘病未清。則清補相兼。

通治脫肛主方

生黃芪 三錢

人參 一錢

當歸 五分

白朮 一錢

五分

一錢



川芎 一錢 陳皮 一錢 柴胡 七分 防風 七分

升麻 五分 甘草 二分

水煎空心午前服

補中益氣湯加防風川芎于至陰之中升提清陽之氣達于腠理不外地氣上騰之義若地氣上騰則天氣自然下降矣真氣虛寒而自脫者加附子五分

血枯液竭燥結下墜及老年產後血燥者加松子泥五錢生地三錢減黃芪一錢五分去白朮川芎防風服益血潤腸丸或滋燥養血潤腸丸 陽明燥火自

亢實熱下墜者加黃連一錢五分生地三錢白芍二

錢去參芪朮芎防。服搜風順氣丸。或潤下丸。脾胃

氣虛泄痢而脫者。加茯苓一錢五分。白朮肉蓯各一

錢。去芎歸。服培元固本啓脾丸。或香連固本丸。小

兒久瀉久痢。濕熱下迫而虛脫者。加白弓一錢。黃連

三分。減黃芪一錢五分。參五分。去芎歸。服香連健脾

丸。或香連固本丸。益血潤燥丸。見燥門裏滋燥

養血潤腸丸。見中風門中搜風順氣丸。見中風門

條潤下丸。見中風門中培元固本啓脾丸。香

連固本丸。見痢門三陰香連健脾丸。同

自利清裏條

前

學

人

家

子

子

子

子

楮實一名穀實甘寒無毒煎湯治骨哽 楸欖煮汁

治魚骨哽 楸欖核燒存性研末急流水調服治魚

骨哽 砂仁研末開水吞服化銅鐵骨哽 鳳仙花

子研細用水吞服治骨哽 茂麻子凝水石共研細

末用紙捻點置于舌根隨津嚥下魚骨自化 水仙

花根搗汁吞服治魚骨哽 威靈仙濃煎湯服治諸

骨哽歌云

鐵脚威靈仙 砂糖和酒煎 一口吞下去

鐵劍軟如綿

蓬砂無毒研細吞服治骨哽 鹹能軟堅含之嚥汁

螻蛄瓦上焙燥研末點舌根化骨根

菟絲子。溫補脾腎。肝三經。覆盆子。溫補肝腎。潛縮小便。何首烏。補益肝腎。調和氣血。化虛痰。五味子。補肺腎。潛精氣。乾生地。養陰退陽。涼血生血。入心腎。心包小腸。肝五經。熟地黃。平補肝腎。養血滋陰。甘菊花。宣祛風熱。補肝腎。明目。穀精草。輕明目。入肝胃二經。沙苑蒺藜。補腎固精。強陰明目。栢子仁。補心脾。滋肝腎。聰耳明目。香通竅。畏菊花。



新刊 增補 蒙 文 學